



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

CCCL. Das Domcapitel bestätigt diesen Tausch, am 18. Oct. 1383.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

Fruchten und Vriheiden, med aller orer Tugehoringen, vorlegen und unvorlegen, und med orem ganzen Eygendum, med welcken Worden men dat genennen mag, gehört hebben, also dat vortmer deme Proste, Prior und Capittel vogenant dat vorschreven Dorp Greninge med deme Eygendume und med aller orer vorschreven Tugehoringe eigentlike gehören schole und dat wy und unse Nakomelinge und unse und unfer Nakomelinghe Voygde und Ambacht-Lude dar nicht vortmehr schicken noch gebiden scholen, und verlaten und vortigen up des vorbenumeden Dorpes Greninge und des Eygendums und Manschap und aller orer vorschreven Tugehoringhe und aller Ansprake, Rechticheit und Vorderunge, die wy und unse Nakomelinge in jegenwerdigen und in komenden Tyden daran hebben mochten, und wifen Hern Hentzen, Proste tu Brandeborch van wegen des Priors und Capittels vorbenumet med dessen jegenwerdigen Brive in dat vorschreven Dorp tu Greninge und Eygendum und Gudere und in alle ore Tugehoringe, nicht utgescheiden noch utgenomen, und wifen sie an die Manschap und an die Lude, die dar Gutt und Walt hebben, und bevelen und heiten den Mannen und den Luden, dat sie sich vorthin an den Proft, Prior und dat Capittel tu Brandeborch holden scholen. Thuge deffer Dinge sind die erbarn Manne Wychert und Wychert, Veddern, geheiten van Rochow, Dömus geheiten van Brandeborch, und Dyderick Vogelsack und mehr guder Lude genuch. Tu Orkunde und tu Thuge hebbe wy unse Ingefegede heiten hangen an dessen Briff, die gegeben is tu Brandeborch na Godes Geburt dufend Jar, dryhundert Jar in deme drey und achtichsten Jare, an S. Lucas Dage, des hiligen Aposteln und Evangelisten.

Nach dem Originale.

CCCL. Das Domcapitel bestätigt diesen Tausch, am 18. Oct. 1383.

Wy Hentze Proft, Henrick Prior unde datt Capittel tu Brand. bekennen, dat wy dat Dorp tu Niendorp up der Zuche bei der Goltzow und dat Dorp tu Fristorp med oreme Eigendum, med Voigdien, Manschap, Pachte, Tinsfe, Plege, Acker, gewracht und ungewracht, Watern, Wefen, Weiden, Grafe, Lugen, Heiden, Buschen, Rifen und met allerley Geholte, met Marckscheidungen, med allerlei Bede und met allerley Dinste, met overste und met siderste Gerichte, met Stratenrecht, met allen Gebyde, met allen ohren Gudern, met allen Nutten und Fruchten unde Fryheiden, met aller orer Tugehoringe, vorlegen und unvorlegen, unde met ohren ganzen Eigendum, met welcken Worden men dat genennen magk, hebben dorch Nutt und Bequemicheit willen verwiffelt unde wiffeln mit disen gegenwerdigen Brieve umme dat Dorp tu Greninge by Bamme in deme Havelande, datt den erwerdigen Vater in Gode, Ern Diderico, Bischof tu Brand. unferm gnedigen Hern, met Eigendume, met Voigdien, Manschap, Pachte, Tinsfe, Plege, Ackern gewracht und ungewracht, met Seen, Watern, met allen Fischerien, Wefen, Weyden, Grafe, Lugen, Heiden, Buschen, Rifen, met allerlei Geholte, met Marckscheidungen und allerlei Bede und met allerlei Dinste, met overste und met siderste Gerichte, met Stratenrechte, met allem Gebiede, met allen sinen Gudern, met allen Nutten unde Fruchten unde Fryheiden, met aller siner Tugehoringe, vorlegen unde unvorlegen, unde met ohren ganzen Eigendum, met welcken Worden men dat genennen mag, gehört heft, also datt vortmehr dem ehegenanten Ern Diderick, Bischof, unferm Hern, und sinen Nakomen, Bischoffen tu Brand. die vorschrevene Dorpere Niendorp und Fristorp med deme Eigendume unde met aller orer vorschreven Tuohoringe eigentlike gehören scholen, unde dat wy und unse und unfer Nakomelingen Voygde unde Am-

bachtude dar nicht vortmehr schicken noch gebyden scholen, und verlaten und vertigen up des vorbenumeden Hern Didericks, Bischops, unses Hern, und finer Nakomen, Bischoppe, Behuf der vorbenumeden Dorpere Niendorp und Frisdorp und ohres Eigendumes unde Manschap unde aller ohrer vorschreven Tugehoringe unde aller Ansprake, Rechtigkeit unde Forderinge, die wy und unse Nakomelinge in gegenwerdigen und in tukomen Tyden daran hebben mochten, und wifen den ehegenanten Hern Didericke, Bischop tu Brandeb. unsern Hern, von finer und finer Nakomelinge wegen met dessen gegenwerdigen Brieve in die vorschreven Dorpe tu Niendorp unde tu Friftorp unde Eigendum und Guder und in alle ohre Tugehoringe nicht utgescheiden noch utgenohmen, und wifen sie an die Manschap und an die Lude, die dar Gutt und Walt hebben, unde befelen unde heiten den Mannen und den Luden, datt sie sich vortmehr an den vorschreven unsern Hern Bischop Didericke unde finen Nakomelingen holden scholen. Tuge dessen Dingk sindt die erbarn Manne Wichartt und Wichartt Vedderen, geheizen von Rochow, Domus, geheiten von Brandenborch, unde Diderick Vogelfack und mehr guder Lude genuch. Tu Orkunde unde tu Tuge hebbe wy Hentze Proft, Henrick Prior unde Capittel vogenant unse Ingesigel heiten hangen an dessen Brieff, die gegeben is tu Brandenborch na Godes Gebortt duzent Jahr dryhundert Jahr in deme dry und achtichsten Jahr, an S. Lucas Dage Apostoli et Evangeliste.

Nach einer Copie im ältern Copiarie.

CCCLI. Verhandlungen des Capitels über verschiedene Fischereien, 1383.

In den Jahren gades dritteinhundert Jahr in dem dry vnde achtigesten Jahre an fante Johans vnd Pavels dage vpper Borch tu Brandenburg in der Louinge vor des Prouestes grote dornze Katharina Heine Bremers wedewe wonastich tu Cotzin hat met guden willen vnde vulbort — ohrer kinder — vorkost eruelike Ern hentzen profte vnde deme Capitele tu Brandenburg die halue Cotzinsche hanelle wente an die nedderste hanelle an dy fürstede vor drittig mark siluers. — Hir sind by gewesett die duchtige man Bettke von Hakenberge wanhaftig tu Markede vnd Claws Mewes wonestich tu Markowe.

Echt in denseluen Jahren gades, des donnerdages an fante Marien Magdalenen Auende, vor my Arnde Wilkens Schulten, vnde Peter Hanfes, Peter Schlappen, Hans Mewes, Meweses Niendorp, Heine Kuleke, Hans Schönhusen vnde Hans Wend, schepen vnde Bure vp miner herren des Prostes vnde Capitels tu Brandenburg kitze, den men hett dy Wolkitz vor der Borch tu Brandenburg tur rechten handt, also men gad von derseluen borch tu der nienstad tu Brand. wartt, in gehegeden dinge Margrite Claws Bremers wedewe Borgerthe in derseluen neinstad tu Brand. vmme dat Claws Bremer ohre vorbenumede man dat Erue an der haluen hanelle Heine Bremere finem brudere, deme he dat vorkost hadde vnde nicht gelaten hadde, gaf vp met cyme ryse vnde verlit vp katherinen heine Bremers wedewen behuf also uele erues vnd rechticheit met allen nütten vnde togehoringen, als der katherinen van heine Bremer ohrem Manne vnd Dorotheen ohrer Tochter angestornen was an der haluen Cotzinschen hanelen vnd watern vnde an der haluen ouersten hanelen vnde watern van derseluen Cotzinschen hanelle wente an dy nedderste hanelle an die fürstede. Dunne gaf margarite Claws Bremers wedewe vorbenumet ses penninge tu avartt vnde dry pennige tu winkope. Darna tu hant in demseluen gehegeden